

四庫全書

集部

欽定四庫全書

集部

文苑英華卷六百

二十八至
三十

詳校官給事中臣李臺

助教臣常循覆勘

總校官進士臣朱鈐

校對官中書臣王瓚

謄錄監生臣蔡炎林

欽定四庫全書

文苑英華卷六百二十八

宋 李昉等 編

謝恩一

為李卿謝三品狀一首

代鄭相公謝賜戟狀一首

謝官告狀二首

謝賜告身等狀四首

為侍郎汝南公華州謝加階狀一首

謝譴讓狀一首

謝口勅放三司推問狀一首

為濮陽公謝罰俸狀一首

為李卿謝三品狀一首

范咸

伏奉今月恩制特換

一作授

臣三品恩出非常固知所措

臣以薄劣久忝班榮幸以地籍宗枝遂得位參卿寺常
憂踰分叅於正名豈臣灰粉所能答効自殊私俯及宿
疾頓除既承七命之貴更荷再生之澤才輕遇重以榮

以憂又先承聖恩賜臣藥酒自蒙救療日覺痊平但以
微虛未堪趨伏拜恩間巷喜懼難勝馳心闕庭戰荷交
集無任惶悚之至

代鄭相公謝賜戟狀

呂溫

門戟十二竿右今日中使某乙至臣私第奉宣聖旨賜
臣前件戟者臣伏以國朝之制名器尤慎吏考三十始
秩銀青戰勳十二乃號柱國必資具美方賜集作錫殊榮
於是有命服以朝加戟于戶將勸勞而責實亦馭貴而

崇名上無謬恩下不虛受臣迹非竒致擢自諸生先皇
以庶謹賜知密勿踰於一紀陛下以勤憂過聽委遇首
於廊僚叨據樞衡亟移星歲雷霆用武曾無犬馬之勞
日月垂文豈有螢燭之助徒以侍祠清廟拜舞集作壽鴻
名屢逢慶賚集作賴驟假勳秩禮異其數物盛其容新其
閑闕賜之棨戟衡門燕雀乍相賀於朱楹武庫龍蛇忽
追飛於陋巷焜燿當代寵靈自天聚族知慙殺身匪報
無任荷懼屏營之至謹奉狀陳謝以聞

此篇五百八十三卷表門重出今已削去

謝官告狀

白居易

新授將仕郎左拾遺翰林學士臣白居易

新授朝議郎守尚書庫部員外郎翰林學士雲

騎尉臣崔羣

右臣等伏奉恩制除前件官今日守謙奉宣進止特加
慰諭并賜告身者聖慈曲被寵命猥加俯以拜恩跪而
受賜舞蹈離次驚惶失圖伏以郎吏諫官古今所重位

當辰

集作星

象職在箴規皆須聞

集作問

望清方行實端慤

然後可以佐彌綸於草奏

集作昧

能正其詞盡獻納於芻

言必直其節苟輕所選實忝厥官臣等學識庸虛才質

愚懦自居近職忝冒已深况超擢榮班慙惶交至初授

殊常之寵聞實若驚再思難報之恩感而欲泣唯當奮

勵駑鈍補拾闕遺中誓赤誠上酬玄造俯伏愧畏

集作憂愧

若無所容無任感恩兢惕之至謹奉狀陳謝以聞

同前

新授京兆府戶曹叅軍翰林學士臣白居易

右伏奉恩制除臣前件官今日守謙奉宣聖旨特加慰

諭無賜告身者俯俸

集作偃

拜恩怵惕受命戰越踟躕驚

惶失容蹈舞屏營不知所據臣叨居近職已涉四年自

顧庸昧無裨明聖塵忝歲久憂慙日深况於官祿之間

豈敢有所選擇但以位卑俸薄家貧親老養闕甘馨之

費病乏藥石之資人子之心有所不足昨蒙聖念雖許

陳情敢望天慈

集作恩

遽從所欲况前件官位望雖小俸

料則

集作
稍

優臣今得之勝登貴位此皆皇

集作
聖

明俯察

玄造曲成念臣為子之心

集作
誠

賜臣及親之祿臣所以

撫心知愧因事吐誠烏烏私情得盡歡於展養犬馬微
力誓效死以酬恩榮幸不止於一身感戴實深於萬品
無任荷恩抃躍之至

謝恩賜告身衣服并借馬狀 元 稹

右泰倫重晏至奉宣恩旨授臣前件官告身衣服疋帛
及借馬者忽降天書乍乘雲驥頒衣煥目賁帛盈庭皆

非朽陋之才宜受光揚之賜微臣無任抃躍慙惶之至

况臣素守

集作性本

踈愚且

集作素

無朋黨去年陛下擢於

集作

自郎吏命掌書詞非因宰相奏論特是聖慈超授感恩
深切頻獻封章遂遭分外侵誣不敢保全軀命豈謂恩
光轉至睿澤逾深出自宸衷選居近地不試便令入院
當日召見天顏口勅授官而賜章服授令承旨不顧班
資近日寵榮無臣比例發言感泣指日誓心苟無死節
之誠願受鬼誅之禍伏奉恩旨令臣明日本司赴上舊

例便合中謝伏緣先有疏論邊事及幽州事宜兼緣李
愿入朝並要面自論奏伏料二十日入假已後南衙機
務稍閒特乞天恩許臣中謝謹錄奏聞伏聽進止

集作
勅旨

為蕭相謝告身狀

右中使某乙至奉宣進止賜臣某官告身一通者鳳銜

真誥虬捧天書錦帙金牋霞明

一作
光

日照臣間高宗命

說乃申納誨之詞大舜相龍爰有聖讒之訓空書簡冊

未煥鱗緇豈

集作
如

臣寵榮而

集作
豈

足為喻慙惶增懼進

退難安拜受恩光戰汗交集無任感戴殊私之至

又謝官狀

此篇移入五百七十四卷表門姑存其目

代裴相公謝告身鞍馬狀 杜牧

右中使某至奉宣聖旨賜臣告身一通馬一疋并鞍轡
臣生逢盛代竊位巖廊奉告令之詔書丹霄之雨露猶
濕賜集作錫代勞之駿馬內棧之風雲尚隨寶軸煥絲綸
之言逸足騁拳竒之態螢光爍火何裨日月之明弱質

孤根但荷乾坤之德殺身寧報撫已知慙無任感恩抃
躍懇悃之至

為侍郎汝南公華州謝加階狀

李商隱

右臣伏奉今月某日制書加賜臣階朝散大夫者榮從
日下恩自天中臣聞周室設官實重大夫之號漢臣異
禮則加朝散集作請之名若臣者辨乏談天文非擲地貪
叨華顯綿歷光陰當陛下御極之初分陛下憂人之寄

金章紫綬已塵求瘼之榮崇級清階更竊昇高之望循
揣斯久怔忡莫寧唯當勤奉詔條所希粗贖官謗誠深
感勵情切違離犬戀主而空深蚊負山而何力無任感
恩望闕結戀屏營之至

謝謹讓狀

李 嶠

臣特蒙天慈擢在樞近恩私屢及寵命頻加粉骨糜軀
雖久誓於心府纖埃滴水竟無補於川岳是用晨宵載
惕啓處增慙素自庸愚加以疾疹心緒遺忘耳目昏沉

實恐虛曠天工傾敗鼎餗伏思大臣引咎之義輒露微
軀陳力之請豈敢避鞅掌之職就優游之閑臣每思古
人竊仰遺事充國則卧而陳策子囊則死不忘忠臣自
念妨賢甘從屏退敬竭芻蕘之議庶裨日月之明所以
因欲辭違昧冒陳上智愚庸短自速憊尤伏奉綸言俯
垂恠責心膽飛越五情無厝跼天踏地伏待刑科死罪
死罪無任戰懼之至謹詣明福門奉狀陳謝以聞

奉謝口勅放三司推問狀
杜甫

右臣甫智識淺昧向所論事涉近激訐違迕集作忤聖旨

即下有司具已舉劾甘從自棄就戮為幸今日已時中

書侍郎平章事張鎬奉宣口勅宜放推問知臣愚憊集作

慙捨臣萬死曲成恩造再賜骸骨臣甫誠頑誠蔽死罪

死罪臣比集作以陷身賊庭憤惋成疾實從間道獲面集作

謁龍顏猾逆未除愁痛難過猥廁衮職願少裨補竊見

房瑄以宰相子少自樹立晚為醇儒有大臣體時論許

瑄必位至公輔康濟元元陛下果委以樞密眾望甚允

觀瑄之伏

集作深

念主憂義形於色况畫一保大其素所

蓄積者已而瑄性失於簡酷嗜鼓琴董庭蘭今之琴工
遊瑄門下有日貧病之老依倚為非瑄之愛惜人情一

至

集有於字

玷污臣不自度量歎其功名未垂而志氣剡劔

覬望陛下棄細錄大所以冒死稱述何思慮未

集作始

竟

闕於再三陛下貸以仁慈憐其懇到不書狎狎之罪

集作

過復解網羅之急是古之深容直臣勸勉來者之意天

下幸甚天下幸甚豈小臣獨蒙全軀就列待罪而已無

任先懼後喜之至謹詣閣門進狀奉謝以聞謹進

為濮陽公謝罰俸狀

李商隱

右臣伏準御史臺牒奉恩旨以臣不先覺察妖賊賀蘭
進興等宜罰兩月俸料者伏以霧市微妖潢池小寇有
乖先覺上黷宸聰昔漢以捕集作盜不嚴猶加黜削晉

以發姦無狀亦峻科條豈若皇帝陛下恩極好生德集作

仁唯宥過與其漏網止以罰金臣與僚屬等無任戴思

宥罪屏營之至

文苑英華卷六百二十八

欽定四庫全書

文苑英華卷六百二十九 宋 李昉等 編

謝恩二

謝弟授官狀四首

謝兄加恩狀二首

為子謝恩狀九首

謝賜母國號狀一首

謝除副使等狀一首

謝賜將士等物狀五首

謝兩弟移官就養狀

張九齡

右臣兩弟蒙恩移官就養老母感戴殊澤戰荷兼深臣
山藪陋材豈堪國用日月私照謬掌綸言犬馬以地近
見矜烏鳥以情至蒙福曲成孝理之賜莫知報效之所

無任悚躍

集作懼

荷恩之至

讓兩弟起復授官狀

右臣昨以兩弟身名狀涉隱冒家且未正焉能正人所

以陳露奏聞誠欲自律今日高力士宣勅令與兩弟京

官慈旨優柔感深骨髓微臣何有叨此殊恩但臣自罹

災殃

集作
殃罰

纔踰年序忝承重任不敢顧私而鞠育之恩

終懷罔極几筵在遠莫耐不親唯有兩弟在家獲申情

紀今若恭承恩命盡在墨綰將以

集作
何心

何顏可偷此

集作

偷

責陛下每弘教義必先名節豈於愚臣不

集作
無

少矜

憫若使九臯等獲免罪戾幸無削除在臣闔門已霑殊
澤更令授職俱遠哀次於臣私情實所不忍且於朝議

必多

集作有

喧黷乞寢恩

集作成

命俯亮愚衷冀無玷大猷

豈敢自遂而已不勝哀荷戰懼之至

此是讓狀緣次篇謝兩弟授官故英

華併

入

謝兩弟授官狀

右臣伏奉昨二十日恩命授臣弟九臯殿中丞

集作殿中大監

九章太子司議郎臣私門積疊殃罰如昨日月逾邁禮

及外除弟九臯等如臣常材

集作加以常材

比伏

集作福

哀疚瞻

望未遠縞素

集作練

猶存非常之恩一朝摠集慙惶哽咽

罔識言次不知微命餘生何以上答

集作報

大造載悲載

躍

集作懼

五情飛越不勝感戴戰悚之至

為令狐相國謝迴一子官與弟狀

元稹

右臣奉某月日勅以所賜臣一子官迴與臣弟定授

六字

集作迴授
官弟定

京兆府藍田縣尉者寵過憂深

集作來

恩殊感

極彷徨自顧悚惕難居臣本實凡愚

集作才

猥當重任雖

星辰軌道幸屬聖時歲月環周實妨賢路未蒙罪退益

自慙惶豈謂睿

集作天

慈仍加渥澤特降推恩之命曲成

友愛之私九族生光百身

集作年

何報况藍山

集作田

美邑

黃綬清流旋觀冉冉之趨倍慶怡怡之樂手足交抃形影相輝空鏤肝心難酬雨露無任抃躍感恩之至

為晉公謝兄林宗為太僕卿狀

苑 咸

右臣伏承今日恩制除臣兄太常少卿林宗為太僕卿

明命自天惶忤

一作作

無地臣兄每私門誓約公道為心

務竭忠勤敢踰涯分豈謂陛下降中旨之詔假望外之
恩拔自奉常正於群僕臣久居宰輔職忝進賢考盤之
詩未能息詠葛藟之蔭先及本根渥澤既重於丘山光
輝復聯於花萼一門為幸九死何酬無任感戴惶悚之
至

為晉公李林甫謝賜兄衣服狀

前人

右臣今月某日中使郭全羽至奉宣聖一作旨賜臣兄

恩

太僕卿林宗紫衣一副并犀角

集作腰

帶及金魚袋恩出

常倫

非常一作

榮超望表闔門捧戴喜懼失圖臣少遭閔凶

早違怙恃兄弟素少形影相依幸遇休明俱霑官序且

一身叨竊謬踐

一作奉

台衡闔門寵榮皆承天覆恩獎所

及始望已過但兄林宗年力稍

一作俱

侵近嬰風疾常恐

溘先朝露不報前期

一作恩

豈謂睿渥特深鴻私曲被河

海重寄已叨

集作荷

命卿之榮章印崇班更承綬

一作受

服

之賜慶流公族光照私門雖喜鵲

一作鳩

之詩終懼維

鵜之刺無任喜懼感佩之至

此篇五百九十二卷表門重出前已削去注異同

為一作

為晉公謝

疑作讓

男五品官狀

右臣今日曲蒙聖恩處分仙客令與臣男岫五品并授
外郎愚誠懇辭天鑒不察仙客承旨又已進官憂懼失
圖不知死所臣幸承天蔭特荷殊榮無補消塵常覩面
目至如邊城克捷狂寇肅清皆睿略玄通聖謀獨斷臣

之遙統但有空名敢冒天功而為己力虛承厚委深是曠官况在頑童何議延賞假使天慈善誘宸睠曲臨變其服章已深榮幸更塵清獎何以自安且郎官之任朝廷俊選無人則缺不可虛授臣男岫性資愚戇無所能為臣實知之非為矯飾儻謬踐華省深累聖朝必負黃童之才豈憚祁奚之舉知其不可敢乞收恩制命未行猶祈更寢無任懇款之至謹冒死陳請以聞

代王尚書謝一子官狀二首 王仲周

右臣素乏器能謬司方鎮敗公之責夙夜惟憂延世之
榮雨露覃及顧老臣以增懼念童子以何知恩私忽臨
負荷無力不勝惶恐屏營之至

二

臣某言伏見某月日制除臣男憑御史中丞捧讀綸音
驚慙無據臣頃戰伐河北男亦隨身救援李忠頓軍易
定屬陛下遷幸聞及河南臣留與論婚娶然得引軍關
右堅保渭橋承算略於皇明推兇醜於都邑事關聖運

功匪衆人陛下特以微功錄其小子年未登於弱冠官已及於中司若以忠孝而升且無往例若由臣闕授

是柰國章臣初沐殊私即將陳讓但緣李忠在外方遏寇戎已行之恩難可追止柔遠之體或要順從勉承不次之榮益荷無窮之惠君親垂施並居踰等之官父子同心各獲捐軀之地不勝感荷屏營之至

為人作謝子恩賜狀五首 令狐楚

右臣得進奏院狀報中和日伏蒙天恩賜臣男公敏內

宴併賜前件綾羅三十疋銀椀一者臣伏以桃花始開
萸萸初吐陛下式崇佳節以慶仲春舞八卦於廣庭陳
四詩於別殿道光在鎬義冠濟汾蓋所以勞徠勲賢昭
明慈惠男公敏年方童幼智之老成何殊一芥之微忽
宴九天之上乳口而飡嘗鼎食青襟而陪列朝班越次
之恩已深逾涯之賜仍及色絲成疋爛盈其箱篋白金
為器皎映於盃盤澤流而九族皆榮信至而萬夫相慶
生子如父無功則同知臣者君報德何日徘徊官次喜

懼交并戎守有限不獲陳謝無任感恩結戀屏營之至

二

右臣得男公敏狀今月十八日中使王希朝到院奉宣
聖旨緣臣男患耳賜絹一百疋以充藥直并遣醫人劉
江診療者臣自受國恩已更歲序其於功績絲髮未伸
夙夜憂兢不知所處男公敏昨緣耳疾今赴上都素乏
義方未能典謁豈意陛下惻隱之德俯加於纖芥敦睦
之慈旁流于枝葉殊恩猥及渥澤曲臨特降醫工厚霑

藥直雖犢之疾料即痊除君親之恩何可報效榮光燭
於府舍喜氣溢乎閨門恩深命輕繼以感泣戎役有限
未獲躬詣闕庭陳謝不勝感戴

三

右臣得進奏官趙履溫狀報中使姚文嵩到院奉宣進
旨賜臣男公敏冬至節料羊酒麵等伏以愚臣在邊賤
等螻蟻弱子無疾微如塵埃豈意陛下施惠必均推恩
皆及屬登臺以望之日降其出如綸之言錫香醪而滿

壺頒肥羜以盈几伏自惟念不勝所蒙一門驚莫大之
榮百衆賀非常之慶未知報效空積慙惶日月高明照
臣忠懇所守有限未獲躬詣闕庭陳謝不勝感戴戀結
之至

四

右臣得進奏院狀報前月二十九日中使某至奉宣進
旨賜臣男公敏歲料羊酒麵等臣自領北藩于今五稔
曾無明略以奉大猷孤直愚忠未足報陛下萬分之一

男公敏伏緣醫療勤赴京都尚未平除爰逢歲節豈意
翩翊微物飛舞於東風霍靡輕生霑濡於春雨降少牢
而頒賜适中貴以宣傳麴起玉塵酒含瓊液鱣鼠飲河
之腹聞以滿盈老牛舐犢之心喜無終極深恩似海弘
覆如天寧唯感激一門實亦光明九族何階報答終日
慙惶空將許國之身誓竭在邊之力所守有限不獲陳
謝無任感恩抃躍之至

五

右臣得進奏院狀報二月二十九日中使某至奉宣進
旨賜臣男公敏寒食節料羊酒麵等至二十一日中使
某又宣賜麥粥餅餠者臣伏以天地之恩所加斯厚君
臣之義有感則深臣自守近藩曾無薄效緣恩處義以
月繫年男公敏未識憲章獲叅班序每因令節又沐殊
私班首之羊委其全體擢芒之麥散以輕塵粥既擬於
瓊膏餠有同於萍實出為寵錫皆申上帝之心食以充
盈莫匪小人之腹消毫未展饗餐已頻常懷覆餗之憂

有忝分甘之施苟仁之逮下微物敢讓於生成如澤或因臣瑣質何堪於負荷官守有限不獲陳謝無任感恩
抃躍之至

同前

右臣得進奏院狀報今月九日中使李朝誠到院奉宣
進旨賜前件節料麵肉等次十日中使徐智嚴奉宣聖
旨又賜麥粥餅餃者寵榮便繁錫賚稠疊或陳於廊廡
或貯在罇壺酒可駕車麵疑經市而况屑杏實以為粥

味甜於蜜卷牢肉以成餽規大於拳皆出御厨無非仙
饌而墻之目未曾窺見含糗之口忽此捧嘗恩逾涯分
榮冠倫列在微臣而過幸日益憂兢念小子之何知無
由答效身輕施重負荷難勝所守有限不獲陳謝無任
扑躍之至

為蕭相謝賜太夫人國號告身狀

元稹

恩賜臣母國號告身一通右今日某乙奉宣恩旨賜

臣母前件告身恩光灼耀捧戴兢惶對揚天休無任戰
越臣家傳儒素母實劬勞每織履以資臣宦遊嘗斷織
以勉臣師學念臣庸昧本望非高所希捧檄之榮敢萌
思集作開國之慶陛下恩加望外簡自宸衷石窳封疆已

光於萬葉葉珠文字重降於九重朝野謂之殊私宗族
以集作為之榮光臣及臣母以抃以歡誓將齋戒洗心永

奉真人之誥緘滕在笥深藏大帝集作之符寶過金籙

瑞同鵲印蓼蕭知感雨露難酌無任抃躍兢懼集作之

至

為滎陽公謝除盧副使等官狀

李商隱

新授某官盧戡

新授某官任繕

右臣得進奏官某狀報臣所奏盧某等二人奉某月日
勅旨賜授前件官充職者臣謬當廉印合起幕庭撫魚
單以興懷懼殺皮之廢禮盧戡與臣同年登第少日論
交學富文雄氣孤志逸玉清越而為樂女舒退

集作
脫

以

求媒實懷難進之規不起後時之歎任繕幼學孝悌潔
淨精微得君子之時中友鄉人之善者匪因請托實自
諳知皇帝陛下俯照遠藩咸加命秩南臺貼職延閣分
班使戡有紆朱之榮繕無衣白之見已經聖鑒可謂國
華冀收規畫之功共奉澄清之寄不任感恩荷聖
之至

為人作謝防秋迴賜將士等物狀

令狐楚

右件將士中使朱孝誠監領某月日平安到太原其賞物並勅給付訖臣伏以受命以行人臣之節斯著及期而代君父之仁已深陛下愛育武夫綏懷猛士采薇遣戍既霑挾纊之恩出車勞旋又有分縑之澤纔識家而競入俄拜賜以嵩呼盡忘征役之勞固感生成之德况臣叨居將帥獲沐恩波所守有限不獲陳謝

為人作謝賜行營將士足段并設料等物狀

前人

右臣得行營兵馬使李黯狀報伏蒙聖恩賜前件疋段
設料者伏以懷生之類莫匪王臣有事之時唯聽君命
今者天誅小醜恩施羣雄豈謂偏裨皆蒙賜賚需以飲
食比肩而膚革充盈貢於束帛連袂而衣裳華楚空知
飽德何以勝恩競堅摩壘之心爭竭拘原之力臣叨居
將帥誓掃寇仇感戴屏營倍萬恒品

為人謝賜行營將士襖子及弓弩狀

前人

右臣得兵馬使李黯狀伏蒙聖恩賜前件物等者伏以
狂賊未平偏師在遠臣並全支器械厚給衣裝陛下念
以戰爭矜其寒苦特頒星使猥降天波衣絮八蠶之繅
暖如狐腋弓纏九牛之角勁若烏號頒及連營來從國
府遙知被服皆不憚於兵鋒緬想操張盡一作將穿於
虜骨歡聲感動勇氣蒸騰信山嶽之可移豈妖氛之足
滅臣名叨將帥志掃寇讐沐恩澤而空深效勤勞而尚
淺誓將忠懇以勵驍雄所守有限不獲陳謝

為人謝賜天德防秋將士綿一作馳絹狀

前人

右臣今月七日中使朱孝誠至伏奉詔書兼宣恩旨賜前件綿絹等臣伏以武夫之用職在防虞壯士之心樂從征役陛下仁慈廣被渥澤旁流諭以功名賜之綿帛荷殊私而東拜悉有兼衣賈餘勇而西行若無遠道同將日力共振天聲臣猥守藩隅叨居將帥欣榮感戴實百恒情

為人謝賜將軍官告狀

右臣中使朱孝誠至伏奉詔命慰問臣并宣慰旨允臣所奏當使諸將官賜前件告身者寵命從天榮光溢路謹呼感戴皆不自勝臣素是懦愚叨居上將微誠空竭薄效未伸伏蒙陛下曲降天波俯加玉澤華資清秩周及於百夫喜氣謹聲喧傳於一道家藏寶軸人受綸言三軍驚非次之榮萬井賀殊情之慶誓將苦節上答明恩謹准勅捧受分給訖臣與諸將等限以所守不獲詣

闕陳謝無任抃躍之至

文苑英華卷六百二十九

欽定四庫全書

文苑英華卷六百三十

宋 李昉等 編

謝恩三

謝勅書手詔狀一首

謝中使招撫狀一首

奏廣州結好使事由奉詔書謝恩狀一首

謝宣慰等狀七首

謝御札狀一首

謝賜藥狀二首

謝臘日賜藥等狀一首

謝賜藥金盞等狀一首

謝賜藥金狀一首

謝賜神刀食金狀二首

謝醫藥狀二首

謝問疾狀一首

謝賜紅雪等狀一首

謝勅書手詔狀

常衮

右今月十一日中使劉廷玉至奉宣慰命賜臣前件書
詔臣謬忝防虞未申戎効寄分廉察又乏吏能尸素實
深咎責難逭聖慈弘貸榮渥累霑俯降天書兼賜墨詔
睿詞寵飾曾無毫髮之勞宸旨密臨特受腹心之寄自
驚朽骨遠被殊恩捧承戰悚踈踈躍駑寒之力過負
已多鴻私未酬慙懼彌積軍州同慶惠澤溥將慰勉載
加感悅交集無任抃躍惶悚之至

為王大夫謝中使招撫狀

崔行先

臣某言頃者元誼等擅固城池有違詔命臣出師野次
持守經年以水攻圍俟其離變誓殲克叛以靜方隅伏
以陛下至德至仁好生惡殺恐失理死不忍誅夷特令
中使就此招撫今洺州收復閭井獲安此皆天威光被
神武底定顧惟愚陋載荷鴻私不勝感戴踴躍之至

奏廣州結好使事由奉詔書謝恩狀

裴次元

右臣伏奉某月日手詔令臣速具前件官本末事由聞
奏臣去月日謹具某官歸本道事以聞某月日奏官至
伏奉某月日手詔所奏某官尋赴廣州事宜具詳本末
想宜知悉者臣伏以綸綍下於紫霄明命光於滄海榮
深感極寵洽心驚周章失圖歡暢交集顧臣鄙劣忝寄
藩維無補消埃累更涼燠矧茲地遠敢望恩加日月照
臨之明無幽不燭乾坤生成之德在物莫遺豈期奏報
常儀特降詔書慰撫事逾等列喜萬恒情伏以軒墀一

違歲序三變謬職愧深於星館荷恩思拜於彤庭廁清
列於班行我冠劔而何日守炎荒之遐服甘瘴癘以嬰
身懷死節之丹誠願生還於絳闕每承存諭之命更切
攀戀之心臣不勝感恩歡躍屏營之至

為人謝宣慰狀

令狐楚

右監軍李輔光迴伏奉勅書手詔宣慰臣及參佐將校
官吏等者臣竊位大藩連榮近屬戴山之力雖竭橫草
之功未聞寢興以思憂愧若厲伏惟陛下日明于上子

育其人降玉筋之天書遣銀璫之星使宸心照育下浹
於將校慈旨丁寧旁霑於掾吏謹呼之聲雷動舞抃之
袖雲翻榮光併臨愁疾如矢不勝歡喜感戴之至

謝勅書手詔慰問狀

右監軍使李輔光迴伏奉勅書手詔慰問臣及將士等
者臣自守大藩未申微効每承渥澤實所慙惶今者伏
蒙陛下弘覆幬之仁與天為大廣照臨之意如日斯升
特遣王人復還使府捧絲綸之明詔光寵賤微吐汗漫

之温言霑濡羣萃浮空而喜氣成霧動地而歡聲若雷
空知受恩何以勝德所守有限不獲陳謝無任感戴之
至

謝口勅慰問狀

右中使孟昇進至伏奉口勅慰問臣及將士等臣素非
公才叨總戎律清平無事績用未彰伏惟陛下子惠兆
人天成萬物降星分之使宣綸出之言問以炎涼勉其
勞役恩踰素望榮冠常倫跪聽謹呼衆心如一臣等不

勝感戴之至

謝宣慰狀

右監軍使某迴伏奉勅書手詔兼宣恩旨慰問臣及將士等伏以天地大鈞固無私於覆載豚魚微類皆有荷於生成臣實庸虛叨膺獎用至於師人輯睦封略乂安皆稟廟謀無非宸筭豈意天慈廣被聖眷旁流歸復監臨昭宣慰撫為膏之雨泛洒於編人如綉之言傳聞於列校惟生衆口感結羣心同守節以戴天各輸忠而報

國臣與將士等不勝感恩抃躍之至

謝勅書手詔慰問狀

右某月日中使某至伏奉勅書手詔慰問臣及將士叅
佐等并賜臣官告旌節兼宣口勅授臣節制者臣伏以
聖澤汪洋高卑盡滿皇明照耀微細不遺內愧瑣材上
煩慈旨朝聞夕惕豈復遑寧夜思晝行不敢失墜今者
三軍輯睦萬井歡康皆憑天威盡出宸筭慙將孱劣虛
受恩榮某月日已差衙官某奉表陳謝訖無任感戴之

至

謝宣慰諸州軍鎮等狀

右中使至伏奉某月日詔書令中使宣慰諸州刺史外
鎮將士等令臣亦使人安撫者臣準詔差虞候張液隨
中使某所在存問以某月日却到太原伏以設官分職
邦國之恒規秉義納忠人臣之素分伏惟皇帝陛下嘉
其奉上念以守邊降驛騎於九重諭天心於萬里法南
風之長養豈擇卑微並白日之照臨不遺遐遠邊城將

校井里黎人競鼓舞於皇明盡霑濡於聖澤室家相慶
關塞無虞臣忝守戎旃不任忻抃之至

為崔仲孫弟謝手詔狀

右中使尹偕至伏奉手詔慰問臣等伏以聖澤均霑天
光下燭欣榮感戴不勝自任臣生代未諧遭家不造嬰
孩之日長養於外家童冠之年因依於伯姊容身寄食
以至於今李說念臣以密親署臣以散職誓將裨補義
不依違誠意莫申大期俄迫今者獲成安泰仰荷聖明

豈期特降恩波深蒙慰撫昆蟲賤命不可以戴天葵藿
微心空知其向日親踈共感存歿同榮無任感恩抃躍
之至

謝御札狀

元稹

御札二十三字右恭倫重晏至宣賜臣前件御札其中
聖旨云鎮州逆亂枉害忠良若與元冀鎮州節度便集
使是捨賊之門者伏以睿筭若神聖慈猶父視兇狡之
構亂義在克清念台輔之銜寃期於必報此蓋仁深天

地勇過雷霆臣實庸愚難議窺測況臣謨

集作謀

猷失次

罪戾是憂宸翰忽臨天章煥發舞鳳迴翔於懷抱飛龍
顧盼於縑緗豈獨傳之子孫便合鏤於肌骨微臣無任
踴躍光榮之至

謝賜藥狀

集作表

張說

右內使陳忠盛宣旨賜臣痢藥臣攝生無方自貽疾疢
聖慈矜憫垂恩救護氣衰力憊忽吞永命之符腸滑胃
虛更服集作餌返魂之草蒙天營祐集作護指日痊平雖萬

粉灰何酬造化謹附忠盛奉狀陳謝以聞

謝勅賜藥狀

張九齡

右高力士奉宣恩旨賜臣等鹿角膠丸及駐年面脂有
命自天感戴並至臣等涓滴無補渥澤日深多媿股肱
之良每慙智力之効徒承聖恩同體之義更霑御藥駐
年之賜事絕希幸禮優常遇微軀賤貌因殊集作大造而

載延捧日承天荷曲成而靡集作無極無任悚戴之至

為晉公謝臘日賜藥等狀 苑 咸

右昨晚內使曹侍仙至奉宣聖旨賜臣臘日所合通中散駐顏面脂及鈿合并吃力伽丸白黑蒺藜煎楷齒藥等逼夜又賜粳米一百石麵二十袋適中使楊元新至又賜鮓鮓魚魴魚鮭魚等仍便令膳造伏以嘉平舊節鍊藥良辰錫靈仙之秘方均雨露之殊澤金膏玉散駐齒髮於衰容瑞麵香粳頓豐盈於私廩况鮓魚魴鮭等降自天厨中使炮烹皆承聖法不資椒桂之力備適鹽梅之味臣竊位歲久叨榮日深調鼎之功未施於毫髮

登俎之美屢浹於恩波徒荷生成何酬造化無任稠疊
感戴之至

謝賜藥金盞等物狀

右內給事袁思藝奉宣聖旨賜臣藥金盞一匙并叅花
密餘甘煎及平晚合二無令中使輔朝俊親授昨所賜
金方法者伏以聖澤無涯已沐九天之施真方不秘更
示八公之法王人俯及寶器仍頒自昔名臣近代良佐
雖功業攸著或不承此賜况臣才不逮古雨露之澤逾

金史卷之六十一
卷六百三十一
深任重當時涓塵之效無補仰瞻玄造上答何階無任
感戴之至

謝賜藥金狀

右內給事袁思藝至奉宣聖旨賜臣江東成金二挺若
服之後深有補益兼延駐者伏以仙方所秘靈藥稱珍
必候休明之辰上益無疆之壽不意俯廻天眷念及微
臣賜九轉之金駐百年之命且螻蟻賤質豈能長固蒲
柳易朽常慮先凋竊荷生成之恩寧酬造化之德澤如

河海空欣羽翼之期寵若丘山何伸灰粉之謝不任忻
抃之至

謝賜神刀食金等狀

鄭 綱

右今日中使某至奉某月日墨詔賜臣前件神刀及食
金五挺并合子鎖等臣遠赴藩鎮上軫聖憂俯降玉人
特頒寵賜暢威懷於遠服佩以神刀矜微劣之庸軀賜
之靈藥捧受戰越以忭以驚臣即以今日發藍田縣闕
庭漸遠道里猶長瞻望天顏感涕交集無任戴荷結戀

之極

謝賜手詔兼神刀藥金狀

孔 戣

右中使某至伏奉墨詔并賜藥金一合神刀等俯循陋
質仰戴殊私渤澥無比其深山嶽無方其重臣筆門賤
品環堵諸生乏禦侮之籌謀罕濟時之方略而因緣官
學塵忝班行效無可稱事每逾量聖慈過聽擢領藩方
祇命戒途不敢陳讓省躬撫事益懼菲才今又特降王
人遠臨郊甸寶刀出於武庫上藥本於金精足以蠲除

疫癘激發忠勇顧惟孱懦承此寶光捐軀盡節豈足為
報無任感戀懇款之至

為人謝問疾兼賜醫藥等狀 令狐楚

右今月十八日本道監軍使李某至奉宣口勅問臣所
疾十九日中使張良祐至伏奉詔書賜臣烏藥蓼子各
一合藥方兩紙并借供奉醫官兩人醫臣疾者臣素是
凡庸猥當朝寄暫乖將息特軫聖慈綸出王言朝昏不
絕星馳驛騎道路相望頒仙藥于雲中降神醫於天上

仰承榮寵冀即痊平兢惶失圖感戴無地蒲柳之心猶壯誓竭丹誠狗馬之齒更長敢忘玄造臣見準詔書與醫人商量服飲未及塗藥將息腫氣已退煩熱未定所守有限不獲陳謝無任感恩結戀之至

為人謝詔書問疾兼賜藥方等狀

前人

右臣奏事官高榮朝迴伏奉墨詔問臣所疾并奉宣口勅賜臣藥方者臣疲馬集作之質寒熱所侵仰憑天慈

今日已損豈意猶煩睿想尚軫聖衷特降千金一作十金之方兼飛五色之詔榮光一燭愁疾如遺誓畢微生以酬殊造無任感戴之至

為人謝問疾狀

右監軍使李輔光迴奉宣口勅問所疾者臣頃因時早疾以憂生仰蒙覆育尋就痊除伏以君恩過厚天聽至卑縷形於詞如撫以手顧慙微細特繫於宸衷內省疲羸尚闕於睿想榮深益懼喜極而悲當望雙闕以注心

守一隅而盡力不勝感結抃躍之至

為令狐相公謝賜金石凌紅雪狀

元稹

恩賜金石凌紅雪各一兩右中使竇千乘至奉宣進止
以臣將赴山陵時屬炎暑賜臣前件紅雪等臣職司復
土戀切攀髯方當匍匐而前敢有赫曦之懼豈謂天光
下濟靈藥旁霑念臣有丹赤之愚故賜臣以染心之物
察臣有木訥之性故賜臣以苦口之滋就日凝不治之

清冰在合若遇圓之絳雪恩加望外感極成悲
集作無
任跼踏屏營之至



文苑英華卷六百三十

欽定四庫全書

集部

文苑英華卷六百三十一至
七

詳校官給事中臣李臺

助教臣常循覆勘

總校官進士臣朱鈐

校對官中書臣王瓚

謄錄監生臣施銑

欽定四庫全書

文苑英華卷六百三十一

宋 李昉等 編

謝恩四

壽昌節謝酒食狀一首

嘉會節宰相謝酒食狀一首

中和節謝賜尺狀一首 清明謝賜火狀一首

為人端午謝賜物等狀四首

社日謝賜羊酒海味及茶等狀一首

重九謝賜餠酒等狀一首

臘日謝賜物狀八首

壽昌節謝酒食

集作
茶酒狀
宣宗
生日

杜牧

右臣某等言伏以大慶吉辰榮霑錫宴鴻恩繼至王人

荐臨旨酒名肴

集作
茶

玉食仙果來於御府莫匪天慈適

口忘憂已滿小人之腹殺身粉骨難酬聖主之恩臣無
任感恩抃躍之至

嘉會節宰相謝酒食狀

昭宗
生日

錢珣

右伏以香火至誠祝後天於萬歲弦匏飾喜會率土於
三春敢望宸衷恩隆輔弼王人逖一作降寵錫爰加酒
醞既陳炮燔兼至名茶馥郁嘉果駢羅嘗珍而食指先
驚敢忘盈滿竊位而憂心已醉寧待獻酬仰望睿慈臣
某等無任兢感懼抃屏營之至

中和節謝賜尺狀

白居易

右今日奉宣賜臣等前件紅牙銀寸尺各一者伏以中
和戒集作節慶賜申恩當晝夜平分之時頒度量合同

之令況以紅牙為尺白金

集作銀

為寸美而有度煥以相

宣逮下明忖度之心為上表裁成之德慶澤所及歡心
畢同臣等塵忝日深寵錫歲至雖恩光下濟咫尺之顏
不違而尸素內慙分寸之功未効捧受愧畏倍萬恒情
謹具奏聞謹奏

清明謝賜火狀

右今日高品官唐國珍就宅宣旨賜臣新火者伏以節
過藏煙時當改火助和氣以發滯表皇明而燭幽臣顧

以賤微荷茲榮耀就賜而照臨第宅聚觀而光動里閭
降實自天非因榆柳之燧仰之如日空傾葵藿之心徒
奉恩輝豈勝欣戴

為人謝端午賜物等狀

令狐楚

右中使王進卿至伏奉詔書慰問臣兼宣恩旨賜臣及
諸將衣并百索銀器等者臣伏以夏之為仁實由乎長
養王者所寶莫重於賢能故事將錫長年皆於今月因
頒珍翫遐及庶方誠上帝之殊私信天朝之盛典臣才

無所取政不足稱獲守司存已為尸忝豈意九天之慶

賜每歲必來五日之祥期

一作祺祥

無年不受衣裳霧疊詔

書雲繁篋中盈綵絲之索案上滿真金之器方圓通用
紅紫交光命輕而服拜難勝身賤而鋪塵不稱以榮為
懼當喜而憂終無補於成功空有慙於僭賞並準勅奉
受兼分給諸將訖所守有限不獲陳謝

為安平公謝端午賜物狀

李商隱

右今月某日中使某至奉宣恩旨賜臣手詔一通兼前

件端午紫衣銀器百索并大將衣者乾文昭融睿賜稠
疊恩生望外榮積懼中臣已當時宣布給散訖伏以正
陽令月端午佳辰渥澤合止於勲賢錫賚宜先於戚屬
臣遠臨東魯久去上京豈望仁時同躋壽域八行明詔
伏讀而不啻千鈞一襲輕衣跪捧而若無三伏况又綵
縷出仙蠶之團貞金凝姹女之魂持可戒盈帶堪延筭
豈微臣獨忝在列校不遺華楚成行永願千春而奉聖
綿長共保常期五日以霑恩臣與大將等無任感激懇

悃之至

為滎陽公端午謝賜物狀

右中使某至奉宣恩旨賜臣端午紫衣一副百索一軸
銀器二事大將衣三副并賜臣手詔一通者伏以五神
定位祝融司長養之功六律鈞和蕤賓有酌酢之義故
節推戴禮日著漢儀被艾人遠具於歲時角黍近標於
風土乃者舊傳聞之未亦集作君親慶賜之原伏惟皇
帝陛下克協樂章允符時訓恩集作霑近戚惠浹元僚

臣守介蠻圻程遙鳳闕敢希瘴嶠特降乾文輕縞染衣
真金備器海綃掩麗渠盃藏珍拜受若驚跪捧如失嘗
衣國僑之紵被服多慙久携顏氏之瓢捧持未慣當晝
而不假交扇向日而唯宜飲冰况又將以綵絲縈諸畫
軸用襪故炁兼續收齡爰自微臣頗流諸校鞠躬被寵
全踰錫帶之榮覩物傳輝實動請纓之思唯當仰承帝
力粗舉藩條誓相率於明時庶同登於壽域臣與大將
等無任望闕感恩抃舞屏營之至

謝賜端午衣物狀

張次宗

右伏以中暑良時沐蘭令節王人乘驛初降於九霄內
府頌衣遽霑於千里臣忝膺寄任未展涓埃節候每移
尸曠增懼陛下殊私荐及寵賜不忘天書觀經緯之文
麗服見裁縫之妙捧其珍玩價重於兼金賜以綵絲恩
深於延筭况寵周將校問及偏裨爭馳就日之誠益勵
酌恩之節

社日謝賜羊酒海味及茶等狀

常袞

右中使某至伏蒙聖慈賜前件羊酒等臣謬塵重任已積歲時日有餐錢月受高俸過蒙溫飫常愧有餘內省謀猷實慙不足益彰尸忝深誠滿盈屬上戊御辰勞農報社賜兼海陸品極珍鮮上減御殮一作喪下豐私室何功而受承寵若驚惶恐拜恩戰懼交集無任戴荷欣抃之至

重九謝賜餠酒等狀

右中使劉君壽等至伏奉恩命賜臣前件餠酒等仍令
樂飲者伏以玄月戒時清風應律宜於長久欣聖祚之
壽昌復見芳華喜陽數之重合時恩忽降節賜荐加王
人寵臨御膳分旨膏以粉餌蒸以饴餽綠芋金茅紫蔗
筠節茱萸清酒嘗聞舊俗之傳意以調腸今覩靈珍之
味此饗人苑吏上獻嘉辰豈伊凡品微生下霑殊貺賜
宴既聯於伯仲覃恩更及於室家稠疊寵光低迴隕越
一門同慶萬死何辭

臘日謝賜口脂歷日狀

鄭 綯

伏以王人戾止天書遠降於閩川星躔既回莫匪猥頒
於遐服推步允符於聖祚先天克合於歲功三百六旬
斯須而咸覩二十四氣瞬息而可知一作回又賜以蘭膏

錫之絳雪衆香流澤芳潤忽光於悴容五藥蠲痾瘴癘
潛銷於腠理仰榮知忝承寵益驚闔闔九門歲時結戀
於雙闕方隅萬里展効期激於丹誠敷惠未洽於遠人
拜賜濫同於重鎮觀風察俗志有立於涓塵比物省躬

恩何酌於覆載臣某不勝歡躍屏營之至

為昭義李相公謝賜臘日口脂狀

崔行先

右中使某至伏奉勅書墨詔緣大禮後慰問臣及將士
官吏等又緣近臘日便賜臣前件藥物臣謬履鈞衡守
茲戎鎮星霜屢改渥澤逾深內悚外慙不知所措文明
啟運殷荐告成郊廟展嚴禋之儀蒸黎洽時雍之化大
宥五刑之典廣霑萬物之恩自天有慶與人更始臣名

器俱忝宸睠曲臨節近嘉平恩延寵錫香膏凝潤於寶
器上藥秘重於仙方澤變衰顏不知老之將至光生僊
質空驚疾乃有瘳祇奉舊章式披新厯想天長而地久
看日往而月來無任云云

臘日謝賜口脂紅雪等狀

右中使某至伏奉手詔慰問臣及將士等又緣臘日賜
臣口脂紅雪并新厯日等伏以蜡節嘉辰載於六籍皇
恩隆洽賚及萬方金膏不秘於上清蘭澤遠傳於中禁

加以玄霜絳雪素能愈病

一作疾

析醒顧惟賤庸承此恩

造隕越無地惶悚失圖縱知死所豈答玄造載頒新厯

永傳億萬斯年欣奉明時獲辨七十二候無任

云云

為王大夫謝恩賜口脂厯日狀

前人

右中使某至伏奉手詔慰拊臣及將士等又賜臘日口脂并新厯日等伏以清祀嘉名載於前典實追歡之盛節亦和樂之良辰况天休光臨聖慈遐布顧臣賤陋竊

奉明恩感戴周全不知所措蠲邪愈疾驗絳雪於仙方
却老駐顏覩瓊膏於寶器式頌聖厯仰贊皇猷永為四
海之尊更續千齡之壽臣不勝歡躍

云

云

為人謝賜口脂等并厯日狀 令狐楚

右中使吳千金至伏奉勅書慰問臣并賜前件口脂臘
脂紅雪紫雪各一合并厯日一卷等者伏以歲將更始
節及嘉平陛下凝香為膏聚藥成散頌日月於厯上奮
龍鸞於筆端星分九天之使雲布一日之澤此誠無私

之殊造均養之深仁而臣空抱愚忠曾無方畧一居藩鎮三度受恩未奩忽開鮮膩與芳馨相雜素編既列閏餘將分至不差披尋而齒筭延長塗傳而口容芳潤油雲之覆逾廣無以勝任綿地之封粗安未為報效捧受嘗翫形神渙然無任感戴之至

謝賜臘日口脂紅雪紫雪歷日等狀

右中使董文萼至伏奉詔書慰問臣并宣恩旨賜臣前件物等者臣伏以天書垂露御歷頒年靈膏有瓊液之

容仙散擬雪花之狀司天推步定分至於四時尚藥煎
和辨君臣於百品無不闡於睿想發自宸衷下錫勳烈
之臣猶無一作獨不過分幸霑庸微之質實所難勝况乏潤
身之資欣蒙苦口之利謹當奉揚節候下告于萬人宣
播光輝旁誇於九族殊私未答渥澤逾深夙夜寢興不
任感戴

為人謝賜男歲節料并口脂臘脂等狀

右臣得男公敏狀稱伏奉恩旨賜歲節料麵兩石羊一

腔酒五斗口脂臘脂紅雪各一合者臣謬以庸虛叨塵

一作庸

任使陛下前因蜡日已降使臣既霑澤口之膏又

賜雪煩之散一從捧受實未遑寧豈疲病小男復蒙寵

賜錫一作

酒漿口腹充溢於盃盤藥餌脂膏馨香于懷袖

雖君父用賞延之義微細不遺而臣子非立功之人光

輝斯極豈德澤之私於一物俾恩波之重若三山夙夜

寢興以榮為懼城守有限不獲陳謝無任感慶屏營之

至

臘日謝賜口脂

集作蠟

狀

白居易

右今日蒙賜臣前件口脂

集作蠟

及紅雪澡豆等仍以時

寒特加慰問者伏以時逢臘節候屬祁寒豈意聖慈不

忘微賤念嚴凝而加之煦嫗慮鞭痕而潤以脂膏

集作嘉

喜氣動中歡容發外挾纒之恩甫及

集作所勉

和則體舒不

龜之澤既霑感而手舞臣等省躬懷愧因物喻情豈止

飲德縈心空

集作唯

驚寵賜必擬深身勵節以答鴻私感

躍之誠倍萬恒品謹具奏聞謹奏

文苑英華卷六百三十一

欽定四庫全書

文苑英華卷六百三十二 宋 李昉等 編

謝恩五

謝出餞宴狀一首 謝賜設狀四首

謝賜宴狀二首 謝賜食狀三首

謝賜酒脯等狀一首 謝賜人糧馬料狀一首

謝賜米麵狀一首 謝賜大麥麵狀一首

謝賜鹿狀二首 謝賜魚狀一首

謝賜蟹狀一首

謝賜車螯蛤蚧等狀二首

謝賜甘子狀一首

謝賜甘蔗芋等狀一首

謝賜茶果狀一首

謝恩命遣高將軍出餞狀

李邕

右高力士奉宣口勅以臣臨政特令賜宴恭承惠渥伏
念庸微天地周仁木石知感不勝惶悚戴荷之極臣死
罪死罪臣歷觀自古君臣凡所際會或因緣黨進或收
接功成故未謁而知不言而信豈有地狐援寡毀衆謗

深察蒙蔽之中致昭曠之外逢陛下特達之過當陛下
明聖之朝事出常均恩重今昔臣誓將瀝血足可竭誠
徒欲殺身豈能報德至如勵精勤政舉直徇公副陛下
憂人之心行陛下弘道之化安一作敢失墜以負神明
但函關路懸長安日遠不任戀主悽悽之至

謝賜設狀

白居易

右今日守謙奉宣聖旨以臣初入院特賜設者臣生長
窮賤才質孱微草野鄙夫風塵走吏豈期聖造擢在禁

闡煦以天慈賜之豐食

集作賜以御食

臣所以陵兢受命俯伏

荷恩心魂不寧手足無措况鑄開九醞筵

集作饌

列八珍

惠過加邁榮優置醴金壘引滿將皇澤而共深玉饌屬
厭與聖德而俱飽終食且歎捫心自驚戰汗慙惶隕越
于下謹奉狀陳謝以聞謹奏

謝賜設及疋帛狀

右今日高品劉全節奉宣進止

集作旨

以臣等在院覆策

畢特加慰問并賜設及疋帛者臣等職在掌文詔令考

策雖竭鄙昧猶懼闕遺豈意皇鑒下臨聖慈曲至惠加
賜食榮及承筐寵厚縑紵仰難勝於玄貺恩深醉飽退
有愧於素飡徒積慙惶何酌慶賜無任感戴屏營之至

謝賜設狀

元 稹

右今日某乙奉宣恩旨賜臣就院設者臣聞推食之賜
用勸勲勞置醴之恩以待賢彥微臣猥承天眷擢在內
庭雨露頻施涓埃莫効陛下載分美祿特降珍羞空懷
滿腹之慙未有沃心之鯁既充膚革誓竭肺肝竊位素

滄實非誠願微臣無任感激恩私之至

為中丞榮陽公赴桂州長樂驛謝勅設狀

李商隱

右今月某日中使某奉宣進止

集作旨

就長樂驛賜臣及

將吏等設饌者將承聞

集作藩

寄尚忝朝恩絡繹八珍芬

芳九醞臣階緣薄伎塵辱脩塗楊執戟之讀書雖無非

聖董太中之對策何補清時忽委廉車乍離閨籍誠欣

列土實耿辭天然猶食指告祥朶頤有慶爰於近驛式

降貴臣酒自堯罇饌分禹膳

集作殷鼎

下霑將校旁耀路歧

况臣平生本實孤賤懷書奉役久無黔突之謀入國展儀且惜殺蒸之禮飽期滿腹醉更憂心終虞負乘之災無報雲天之施臣與將吏等無任望闕感恩結戀屏營之至

九月九日謝恩賜曲江宴會狀

白居易

右今日伏奉進止

集作旨

賜臣等於曲江宴會特加宣慰

并賜酒脯等者伏以重陽令節大有豐年錫宴於無事
之朝追歡於最勝之地况天厨酒脯御府管絃寵賜忽
降於寰中慶幸實生於望外仍加慰諭曲被輝華臣等
各以凡才同叅密職幸遇休明之日多承飫賜之恩樂
感形骸歡容動而成舞榮集作澤均草木秋色變以為春
徒激丹心豈報玄澤謹奉狀陳謝以聞謹奏

三月三日謝恩賜曲江宴樂狀

前人

右今日伏奉聖恩賜臣等於曲江宴樂并賜茶果者伏

以暮春良月元巳嘉辰已

集作獲

侍宴於內庭又賜歡於

曲水蹈舞跼地懽呼動天况妓樂選於內坊茶果出於

中庫榮降天上寵驚人間臣等謬列近司猥承殊渥

集作

澤捧觴知感終宴懷慙肉食無謀未展涓埃之効素飡

有愧難勝醉飽之恩以此兢惶未知所報謹奉狀陳謝
以聞謹奏

謝賜食狀

張九齡

右臣等面奉進止令就集賢院與諸學士等觀聖注道
德經尋又賜臣等食竊味道腴兼承珍饌聞義飽德虛
往實歸臣等何人叨承渥澤不勝惶悚感戴之至

謝每日賜食狀

常 袞

臣袞言臣聞恩或曲存義不虛受故者儒碩德方載珍
羞大節殊勲乃加禮食至於列曹分署各置滄錢匪頒
王饗食有公膳陛下勵精庶政垂意輔臣特降非常之
慈屢蒙每日之賜上林果實至必先時太官殮牢送無

曠日臣等自登三事已涉三旬當朝廷釐革之時佐海
內安危之重入趨殿省常奉憂人之旨出在廟堂每思
克己之功而不能陳一策進一賢外無平戎之謀內闕
叙官之實四夷未格百姓未安不副憂勤合當罪累更
承飭賜實用慚惶既招折足之嫌將貽騰周易口之誚
伏望重回宸睞載允誠詞俯停三錫之恩伏免萬方之
責則神明或祐官謗不行在微臣再受多福無任懇迫
悚懼之至

代杜相公謝就宅賜食狀

劉禹錫

右高品某乙奉宣聖旨賜臣食者出自太官飫于私第
光榮曲被猥承推食之恩駑蹇未施益重素飡之責舉
其七筋若負丘山無任戰荷踴躍之至

為宰相謝恩賜酒脯餅果等狀

白居易

右中使某奉宣聖旨賜臣等前件酒脯

二字集
作物

等俯俸

受賜踈躍荷恩天酒來以分甘御餽

集作
羞

降而示惠臣

等省躬知感因物言情寵過加遽懼多尸素之責榮同
置醴慙無麴蘖之功徒瀝丹誠豈酌玄造

代謝賜人糧馬料狀

此是讓狀英華誤編于此

于邵

右臣先奉恩旨賜前件人糧馬料初已陳讓不蒙允許
臣昨日於延英對見又請前件糧數內停一千人糧聖
情未察倍增一作益惶懼臣自興兵已來早參戎律及討

慶緒即從先皇皆虔奉睿謀遂稱多難豈臣薄劣輒敢

貪天而寵遇特深封賞殊厚纏綿渥澤三十餘年食邑

累加俸料甚

一作亦

廣自此之外更有田園朝夕所須幸

無闕乏不謂繼明之始恩出非常曲賜褒崇霑此糧斛
雖雲雨之施在恩私而至極彼凋朽之質顧饕餮而多
慙是以形神震駭不知所據懼悚顛沛以促餘年敢犯
宸嚴重析哀亮儻蒙全度伏乞賜停謹奉狀云云

謝米麵羊酒等狀

常 衮

右中使某至奉宣恩命以至節恩賜米麵羊酒猪鹿及

雜口味等者聖旨頻降榮賚過優以周官百品之珍載
頒其實雖魏臣五金之貴豈容其多受賜踰涯拜恩失
序臣出自孤賤素甘貧苦不過滿腹竊誠終身且祭不
掩豆飯惟脫粟昔聖之美其儉可師敢望豐盈重彰尸
曠而雨露偏施歲時益榮俾奉先之饗味兼海陸合族
之宴及於膏粱又沐深慈下霑中饋以感以慶忝處難
任無德無功慙惶罔措不任戴荷兢惶之至

謝賜大麥麵狀

張九齡

右林招隱宣勅賜臣等招隱說云薦新之外自禁中所
出皆是降至尊親耕稼穡之所成也伏以周人之禮唯
有籍田漢氏之薦但聞時果則未有如陛下嚴祗於宗
廟勤儉於生人事必躬親動合天德臣亦何幸近奉徽
音又蒙聖恩猥垂珍錫已飽於聞義况霑此時羞綢繆
渥澤未知報効死罪死罪仍望宣牒史館以示將來臣
等不勝感荷之至

謝賜鹿狀

常衮

右中使祁國俊奉宣恩旨以前件鹿稍覺鮮好特以賜
臣者謬竊和羹之任累承分食之恩無補消塵叨一作徒
霑雨露上載洪造內愧素飡伏以陛下順時令以宣風
展春蒐之藝典有司奉職上苑從禽將備御庖獻茲鮮
獸宜供六膳以副八珍臣實無功何以受賜寵承殊渥
味則非時顧調飪而空慙荷生成而何答無任感恩悚
抃之至

為晉公謝賜鹿肉狀

苑 咸

右內品官史鳳節至奉宣聖旨賜臣鹿肉一盤捧戴殊
私喜躍無地伏以十月農隙三泰歲成展豫離宮時巡
近甸幸承扈蹕已荷陪遊之榮恩降自天更沐珍鮮之
賜慶覃野次澤被私門顧螻蟻之至微仰丘山而何答
無任感佩惶悚之極

為晉公謝賜魚狀

右內品官葉惠仙至奉宣聖旨賜臣魴魚一盤仍便令
造羹伏以九天之使頻過衡門八珍之羞屢霑御膳登

盤既榮於薦熟正席更喜於先嘗母侍軒墀曾無獻替
歸休私室偏沐恩波空荷紅鮮之慈實負素飡之責無
任惶悚感戴之極

為晉公謝賜蟹狀

右中使焦庭望奉宣恩旨賜臣生蟹一盤便令造食臣
自叨陪侍從累沐殊榮朝天賜浴於御湯退食每霑於
仙饌賞隨恩積慶逐時新臣之何功偏承厚錫游泳渥
澤但懼踰涯徘徊寵私無階答効無任望外荷戴之極

為晉公謝賜車螯蛤蜊等狀

右品官葉惠仙至奉宣聖旨賜臣車螯蛤蜊等仍令便
造膳適中使賜臣水犢肉一合自濫陪巡幸累沐殊私
每荷一作沐天恩曾不踰日或承海味或降珍鮮况皆聖

主傳芳王人調飪薄効無裨於涓滴厚施轉積於丘山
昔周美康侯特霑蕃庶之錫漢崇張禹亟覃賜饌之榮
才不逮於前賢而遇每深於曩眷雖竭心盡節何答生
成不任云云

二

右內官趙承暉至奉宣聖旨賜臣車螯蛤蜊等一盤仍
令便造趙承忠至又賜生蟹一盤高如瓊至又賜白魚
兩箇伏以衡門之下頻降王人簞食之中累承天饌適
口之異無時不霑駭目之珍每日幸_{一作皆}遇顧循涯分
何以克當徘徊寵私罔知攸答

謝恩賜甘子狀

于邵

右中使某乙至奉宣進止賜臣前件甘子伏以江潭所

出見重於南州苞茅入貢

一作菁茅合貢

遠歸於北闕陛下念

其野次錫及微臣顧萍實以虛言非蔗漿之足擬分甘

絕少

遷傳李陵甘子少英華作劣非

竊荷於恩私食堪懷音敢忘於報

効無任云云

謝賜甘蔗芋等狀

常袞

右今月某日喬甘至奉宣恩命賜苑中所種甘蔗及芋等其形豐其味甘曲被生成之恩宛同吳蜀之物過蒙頒錫伏用驚喜陛下以萬靈効社六合同風養之則生

孰云其遠化之自我不隔華夷將有絕域之人服中州
而稟教故使他邦之產歸上苑而咸植既登天膳實表
地成太和之理於斯可見捧承異貺兢跼素飡感戴之
誠倍百恒品不任受恩悚懼之至

謝賜茶果等狀

白居易

右今日高品杜文清奉宣進止

集作旨

以臣等在院修撰

制問賜茶脯梨果者

集作茶果梨脯等

曲蒙聖念特降殊私慰

諭未終錫賚旋及臣等慙深曠職寵倍驚心述清問以

脩辭言非盡意仰皇慈而受賜力豈勝恩徒激丹誠庶
集作 詎 酌玄造無任欣戴抃躍之至

文苑英華卷六百三十二